



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
Ո Ր Ո Շ ՈՒ Մ**

27 հունվարի 2021 թվականի №18Ա
քաղ. երևան

**«ԱԼԻՔ» ՍԱՀՄԱՆԱՓՈՎ ԴԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆԸ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԴԵՏԱԿԱՆ ԲՅՈՒՋԵ ԳՈՒՄԱՐԻ ՓՈԽԱՆՅՈՒՄ
ՊԱՐՏԱՎՈՐԵՑՆԵԼՈՒ ՄԱՍԻՆ**

Հաշվի առնելով, որ՝

- ա) Հայաստանի Հանրապետության հանրային ծառայությունները կարգավորող հանձնաժողովի (այսուհետ՝ Հանձնաժողով) 2010 թվականի դեկտեմբերի 15-ի №719Ա որոշմամբ «ԱԼԻՔ» սահմանափակ պատասխանատվությամբ ընկերությանը (այսուհետ՝ Ընկերություն) տրամադրված ռադիոհաճախականության օգտագործման №0889 թույլտվության գործողության ժամկետը սահմանված է մինչև 2020 թվականի դեկտեմբերի 29-ը, և Ընկերությունն այն երկարաձգելու հայտով չի դիմել Հանձնաժողով,
- բ) Ընկերությունը պատշաճ կարգով չի կատարել «Էլեկտրոնային հաղորդակցության մասին» օրենքի 17.1-րդ հոդվածով սահմանված ռադիոհաճախականության օգտագործման պարտադիր վճարների վճարման պարտավորությունը,
- գ) Հանձնաժողովի 2019 թվականի դեկտեմբերի 24-ի №493Ա որոշմամբ Ընկերությունը պարտավորեցվել է 2018 թվականի մարտի 8-ից մինչև 2019 թվականի դեկտեմբերի 24-ն ընկած ժամանակահատվածի համար ռադիոհաճախականության օգտագործման պարտադիր վճարների մասով հաշվարկված 478 003 (չորս հարյուր յոթանասունութե հազար հարյուր երեք) դրամ պարտքը փոխանցել Հայաստանի Հանրապետության պետական բյուջե,
- դ) 2019 թվականի դեկտեմբերի 25-ից մինչև 2020 թվականի դեկտեմբերի 29-ը ռադիոհաճախականության օգտագործման պարտադիր վճարների և ժամկետանց պարտավորության համար հաշվարկված տույժի վճարման՝ Ընկերության

պարտավորությունը կազմում է 341 463 (երեք հարյուր քառասունմեկ հազար չորս հարյուր վաթսուներեք) դրամ, որից 248 913 (երկու հարյուր քառասունութ հազար ինը հարյուր տասներեք) դրամը ռադիոհաճախականության օգտագործման պարտադիր վճարն է, իսկ 92 550 (իննսուներկու հազար հինգ հարյուր հիսուն) դրամը՝ ժամկետանց պարտավորության համար հաշվարկված տույժը, և հիմք ընդունելով «Էլեկտրոնային հաղորդակցության մասին» օրենքի 12-րդ հոդվածի 1-ին մասը, 17.1 հոդվածը, «Լիցենզավորման մասին» օրենքի 37-րդ հոդվածի 1-ին մասի 8-րդ կետը, Հանձնաժողովի 2011 թվականի մայիսի 11-ի N°231Ն որոշումը՝ **Հանձնաժողովը որոշում է.**

1. Պարտավորեցնել Ընկերությանը՝ սույն որոշումն ուժի մեջ մտնելու պահից տասնօրյա ժամկետում N°900005281812 հաշվեհամարով Հայաստանի Հանրապետության պետական բյուջե փոխանցել ռադիոհաճախականության օգտագործման վճարի մասով 2019 թվականի դեկտեմբերի 25-ից մինչև 2020 թվականի դեկտեմբերի 29-ը հաշվարկված 341 463 (երեք հարյուր քառասունմեկ հազար չորս հարյուր վաթսուներեք) դրամ պարտքը:
2. Ընդունել ի գիտություն, որ Ընկերությունն իրավասու է.
 - 1) սույն որոշման հրապարակումից հետո երեսնօրյա ժամկետում միջնորդել Հանձնաժողովին՝ վերանայելու այն.
 - 2) սույն որոշումն ուժի մեջ մտնելու պահից երկամսյա ժամկետում այն բողոքարկել Հայաստանի Հանրապետության վարչական դատարան:
3. Սույն որոշումն ուժի մեջ է մտնում Ընկերությանն օրենքով սահմանված կարգով իրազեկելու օրվան հաջորդող օրվանից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՀ՝**

ք. Երևան
27 հունվարի 2021թ.

